

四庫全書

史部

欽定四庫全書

史部

欽定日下舊聞考卷一百八

詳校官庶吉士

臣范逢恩

檢討臣德生覆勘

總校官進士

日程嘉謨

校對官進士

日單可璠

胥錄監生

日黃珩

欽定四庫全書

欽定四庫全書
欽定日下舊聞考卷一百八

一京畿

通州

原通州在府東四十五里

明一統志

臣等謹按通州明屬順天府

本朝因之順治十六年省潞縣入州

增州東西距四十五里南北距八十里東至三河縣界二十
十五里西至大興縣界二十一里南至武清縣界六十

里北至順義縣界二十里東南至香河縣界五十里西南至永清縣界四十五里西北至昌平州界三十五里

大清

一統志

原在漕河之西三里

漕河圖志

臣等謹按漕河距今州城半里許

原州秦屬漁陽郡漢為潞縣地仍屬漁陽郡

清類天文分野之書

補潞高陽氏後邳姓漢屬漁陽

國名紀

增通州本禹貢冀州之域春秋戰國皆屬漁陽郡兩漢

本潞縣及安樂縣地皆漁陽屬邑魏晉以降屬幽州後
魏置潞郡隋開皇初省入涿郡唐武德二年於此置元
州領潞臨洺無終等縣貞觀元年省元州後為潞縣後
以水為患徙治安樂故城今州之東北即舊治地也歷
五代皆因之至金天德三年陞為通州元因之領縣二
曰潞曰三河隸大都路洪武元年閏七月內附併潞縣
入於州仍以三縣隸焉屬北平府

圖經
志書

原高梁水東至潞縣注於鮑邱之水又南逕潞縣故城

西王莽之通潞亭也漢光武遣吳漢耿弇等破銅馬五

幡於潞東謂是縣也

水經注

增漁陽郡路縣莽曰通路亭

漢書地理志

臣等謹按漢書地理志漁陽郡下之路縣作路與上黨郡之路故潞子國異文後漢書郡國志漁陽郡下始列潞縣為潞河之文承用始也通路亭今無考

原公孫瓚斬劉虞虞從事漁陽鮮于輔齊周騎都尉鮮

于銀等率州兵欲報瓚以燕國閭柔素有恩信共推柔
為烏丸司馬柔招誘烏丸鮮卑得數萬人與瓚所置漁
陽太守鄒丹戰于路北大破之斬丹

三國志

原晉屬燕國後魏仍屬漁陽郡北齊時分置潞郡

方輿紀要

原隋開皇初罷入詠郡唐武德二年自無終徙漁陽於

此置元州

清類天文分野之書

原元州領潞臨洶漁陽無終四縣貞觀元年廢州省臨

洶無終二縣以潞漁陽歸幽州

太平寰宇記

原遼人既疆內侵諸州皆徧幽州東十里之外人不敢
樵牧趙德鈞為節度使於州東五十里城潞縣而戍之

近州之民始得稼穡

通鑑

增潞縣隸南京析津府在京東六十里

遼史地理志

增宋宣和四年以潞縣隸燕山府七年金人復取之

宋史

地理志

原金天德三年改黎陽之通州為濬州以此縣陞為通
州元因之領二縣屬大都路今潞縣并入州領縣四三

河武清寶坻泃縣

清類天文分野之書

補北通州燕山府路縣也北並海金人每年於此造海

船因改為州

海陵集

原元既廢城郭兵火之後祇編籬寨而已洪武元年閏月燕山忠敏侯孫興祖從大將軍徐達督軍士修城始甃以磚石周圍九里十三步高四丈六尺在潞河之西

因以潞水為濠

名勝志

補洪武元年閏七月徐達率諸將既克長蘆直沽進抵河西傷郭英首與元兵戰生擒達勦達剌既遇元平章

安布擊破之距通州三十里為營深溝高壘為持久計
衆請速攻城英曰吾師遠來敵以逸待勞攻城非我利
也宜出其不意破之翌日大霧英以千人伏道旁率精
騎三千直抵城下元將五十八國公率敢死士萬餘張
兩翼出戰良久英佯敗敵乘勝來追伏兵起截其軍為
二斬首數千級元知院布延特穆爾力戰死之擒元宗
室梁王博囉二十七日夜三鼓遂克通州 鴻猷錄
按遼勤遠滿洲語隱避處也舊作遼遼安布唐古特語
不善之謂也舊作布卜布延蒙古語福也特
穆爾氏見前舊作卜蘭帖木兒今俱譯改

原通州上拱

京關下控天津潞渾二水夾會於東南幽燕諸山雄峙
於西北舟車輻輳冠蓋交馳實畿輔之襟喉水陸之要

會也

通志 歲輔

原城門四東曰通運西曰朝天南曰迎薰北曰凝翠各

有樓

通志 州

原宣德八年閏八月命都指揮劉斌董修通州城樓

明宣

宗實

錄

原新城景泰間築周七里有奇中有西南二倉蓋國家

歲入東南漕運四百萬石析十之三貯於通倉故為城

以屏蔽之

名勝志

原成化十二年十一月鎮守通州都督同知陳達監察御史徐鏞奏通州密邇京師南北糧運積貯于此城池不可不謹正統十四年額森侵境以倉廩在西城外乃築新城障之倉卒經營未如制度舊城高三丈五尺垛口五尺臺廣三丈五尺而新城不及其半請拆舊城西面而展新城北角與相連接增其丈尺使上下齊一仍建甕城敵臺於城北開一門以通河道上命達會巡撫

汪霖覆勘以聞

明憲宗
實錄

原新城連接舊城正德六年巡撫都御史李貢增崇之
加五尺萬曆十九年復修南門題曰望帆雲表西門題

曰尺五瞻天

通州志

原李東陽重修通州新城記 通州在國初為北平布
政司之屬郡舊有城自文皇帝定都以來肇立京府並
置州衛東南漕運歲入四百萬石之三貯于州城既
久且富乃於城兩門外闢地為西南二倉景泰間以外
警復築城七里有奇環而翼之為新城時倉卒規制未
備高止丈餘視舊城不及其半比年磚石剝落外內出
入可登而越也正德辛未流氛為患副都御史李貢巡
撫其地深以為憂引水而環之三周已乃詢諸有司圖
所以禦災捍患者上疏言天下之治與其有事而圖孰
若先事而慮今番上京軍數千名方留城守宜以其隙

計工修築工部公司有廢磚數十萬宜借以供用工命戶部左侍郎卽卽君寶兵部左侍郎李君浩工部右侍郎夏君昂率僚屬往相其宜悉如所議君人留罪人所贖金為凡百費用新城舊基增築五尺其外為甌內實以土工復為垛牆六尺有咫而長廣皆如其數又為敵臺具西南為甕城重門懸橋皆舊所未有其為役皆分番迭作人樂趨事不數月而成焉於是知州楊濬州學正洪興等謂茲役之重不可以無述介吾妻之從子岳序班梁以請於余余惟天下大計不外於兵民兵民所賴以生者必資乎食茲役也皆有賴焉若所謂先事而備則李君固言之卽唐李絳所以告其君者也顧祖於安逸者恒以為不足憂而張皇者又有所不及謀比盜賊芟刈畧盡遠近諸司猶晏安不復致慮而李君方旣旣不暇議者而以多事為疑亦獨何哉予感其事因叙其始末為方來者勸俾以羨財餘力益增而高焉其為補宜小哉是役也巡按卽史陳君祥巡倉御史詹君源

竇協其謀並其事者則分守都指揮黃璽等十餘人系之詩曰文皇建都治必南嚮州名曰通作我東障高城魏我有兵有民浩河北來餉粟雲屯儲盈庾增新城是築有功弗終高及其腹月頤巖顏寢不及前窺覘之患孰防未然屹屹臺臣出治斯土遣時多虞實備羣侮陳謀在廷惟皇聖明乃集羣議乃覲地形營兵如林時屬戍守且練且修工弗外取倉有餘粟緩有贖囚斯納斯出財帑外求因城為高幾倍其半其周七里環彼三面望之巖巖即之巉巉河流在陽其水潭潭前有連城後有阜壤越百餘年既崇且廣古亦有言安不忘危惟臺有臣為藩為維金湯高深同彼帶礪守在四方傳於萬世懷麓堂集

原唐文獻重修通州新城記 通州古漁陽地相傳勝國前無城捍以籬寨其有城自洪武初忠敏侯孫興祖始其奏建二城以護西南二倉自正德間總督糧儲李德始其增修新城自嘉靖六年中丞李貢始今重修新

城以聯舊城使之唇齒相附則萬歷十九年濟南晴江王公始公博大精敏負文武異才簡書之餘出就行部相度要害謂通州乃肘腋上流咽喉重鎮無若修新城為急於是上其議既疏聞制曰可公乃檄將吏捐朽剝蠹後夫悉取諸營軍不以煩父老經費悉出儲帑金贖錢及屯粟之餘不以括民廉商索城高一丈厚尺有咫長一千三百四十丈有奇首城樓次角樓次窩鋪繚以周垣濬以溝塹工中程材中度延袤中地勢埒埒中準繩括更而良老更而壯蓋自癸巳以迄乙未再決歲而竣天子為賞費勤勞諸臣大小有差而中外諸君子亦無不樂成於是役者夫通州非郡邑之城天子之城也明王以四方為守三輔為衛今上垂拱二十餘年邊臣狙於恬嬉武備弛廢猶幸公身親畚鍤天險屹然仰拱京闕倚控天津將自今伊始謹蓋藏收保聚貢道以肅屯積以固名雖重修而事若禹瓶昔春秋書築城者二十九獨叙教城圻君子以為敏子囊子城郭君子以為

忠祖忠興敬康之明通州今日之役是已公名見
寶鏡時江魯人由中校進士至今官 占星堂集

原通州舊有城久圯明洪武元年裨將孫興祖因舊址
修築正統間糧儲太監李德鎮守指揮陳信奏建新城
護之周八里高三丈二尺連接舊城西面為門二萬歷
十九年密雲兵備又大修之城垣連梁口高三丈五尺
長一千三百四十丈有奇二十二年戶部郎中于仕廉
周視兩城隍併可為池請引通惠河注之詔濬三千三
百餘丈加深二尺許廣視深四倍建閘一橋四

本朝康熙九年知州密完福因新舊兩城坍塌復修葺

鐵嶺

通志

臣等謹按乾隆三十年總督方觀承奏請動

帑重修新舊城合而為一其舊城拆去西面共為五門
各建重樓舊城通運迎薰凝翠三門名新城望帆
雲表尺五瞻天二門名俱仍其舊

原崇禎四年督部范公景文閱視通州舊城東北新城
西南皆受敵衝遂各建臺一座形如扇自左至右長十

二丈高三丈七尺虛其中以架礮

通州志

臣等謹按通州舊城新城兩臺尚存

增古城在城東八里甘棠鄉周圍四里相傳為前朝駐

兵處今觀遺跡乃似邑墟或曰即潞縣

通州志

臣等謹按古城遺址今尚在地名古城莊

補建武中漁陽太守彭寵被徵害至明日潞縣火災起城中飛出城外燭千餘家後漢書五行志

原平谷故城漢縣廢城在今潞縣北

太平寰宇記

原州北平谷城漢所置縣屬漁陽郡後漢建武初光武

遣十二將軍追破大槍五幡于平谷即此晉省石趙復置北魏太平真君七年廢入潞縣

方輿紀要

臣等謹按平谷故城遺址無考

原安樂故城漢縣廢城在今潞縣西北

太平寰宇記

原通州西北安樂城漢漁陽郡屬縣晉屬燕國北魏太

平真君七年廢入潞縣

方輿紀要

原濕餘水東南流逕安樂故城西更始使謁者韓鴻北

徇承制拜吳漢為安樂令即此城也

水經注

原清水南遼安樂縣故城東晉書地道記曰晉封劉禪
為公國俗謂之西路水也

同上

原晉穆帝永和六年二月燕王雋使慕容霸將兵伐趙
霸軍至三陟趙征東將軍鄧恒惺怖焚倉庫棄安樂遁
去與幽州刺史王午共保薊徙河南郎都尉孫泳急入
安樂撲滅餘火籍其穀帛霸收安樂北平兵糧與雋會

臨渠

通以上五條原在順
義縣卷內今改移

增更始立使使者韓鴻徇河北或謂鴻曰吳子顏奇士

也可與計事鴻名見漢說之遂承制拜為安樂令註云

安樂縣名屬漁陽郡故城在今幽州潞縣西北

後漢書
吳漢傳

臣等謹按安樂故城遺址雖不存然方輿紀要既

云北魏廢入潞縣則在今通州境內可知也太子

賢後漢書註云安樂故城在今幽州潞縣西北則

唐人言之矣樂史太平寰宇記安樂故城今在潞

縣西北則宋人言之矣又馬端臨文獻通考亦載

安樂故城於潞縣下則元人言之矣朱彝尊原書

獨載此安樂故城五條於順義卷內則因顧炎武
昌平山水記後魏安樂郡故城一條牽連書之以
致誤耳考安樂本非因縣為郡郡自在今順義縣
境縣自在今通州境不得以名之相同而混郡縣
為一也謹改移于此

增乾隆七年

御製通州道中詩 白雲紅樹通州道 麥壠禾場九月
秋 好景沿途吟不了 幽風圖畫望中收 漁舟蟹舍儼

江鄉蟬螻橫波飲練長策渡漫思荷芰綠亞洲賸有荻
蘆黃

增乾隆十二年

御製過通州詩 青郊和以暄風物近清明不禁霜露
思駕言東上

陵前旌度潞川後旅背鳳城予昔青宮時北路頗長征

雍正年間屢經奉

命恭祭

景陵

憶彼慈雲壁

慈雲寺在通州西十里

幾度題

句曾林垌改好在髭鬚非後生沿隄柳已黃出隴麥未

青望雪繼望雨東畝遲力耕教養雖並要富庶之未能
經歷始知艱所志嗟何成

增乾隆十七年

御製過通州浮橋即景雜詠 飛梁駕水響梢東轉漕

連艘此處通南望江鄉渺何極遙源猶憶自雲中 汀

蒲岸芷染烟光仲月融怡麗百昌依舊廿年寒食景吟

髭羸較幾莖長 郡城塔影落波尖生齒林和日日添

纔命農官出紅朽頓教米賤樂窮閭

近釐太倉風樂因
命兩諭臣工二年

傳騎京師來
憤為之頓滅

來往艤艦藉底因陽關唱處解維新便

教一晌思南客宜必九重無故人

增乾隆三十五年

御製過通州詩 樹梢看塔影烟外過通州沙嶺延東

巨潞河自北流浮橋連巨鷁野岸起閑鷗發帑完城郭

各省城垣有應修葺者特發帑五百餘萬繕治之以資
保衛通州為畿東首治工作先施茲則崇墉屹峙益臻

壯觀
矣 無非保障謀

臣等謹按通州

御製詩謹繹有關紀述者恭載卷內餘不備錄

原馬祖常通州詩 潞水年年沙際流 都人車馬列沙頭
獨憎楊柳無情思 送盡行人天未秋 石田集

原貢奎通州道中作 萬雉參差雲霧開 四千里外客
重來平岡日出車牛喘 古道塵飛驛騎回 白玉至今傳
楚璞黃金自古說 燕臺高樓紅旆應如昨 莫遣新愁到
酒杯 雲林集

原貢師泰發通州作 日日思歸未有期 及歸翻恨數
年遲 聞船聽得吳歌起 絕似閨門送別時 玩齋集

原州治在城北門迤西 洪武三年建儒學舊在州治西
元大德二年知州事趙居禮建明永樂十四年重修正
統十二年再葺有弋陽李奎碑記嘉靖四十二年知州

事張守中撤而新之改建文廟於明倫堂之基學西舊有通惠書院去之改建明倫堂於其址州人程綬記其

事於石

通志

原吳澄通州文廟重修碑 皇元有天下文教自京師連郡縣雖遐陬僻壤莫不建學設官以開教事通州近在畿甸素闕庠序給學官每至輒去不惟教事廢弛而孔廟亦且不葺將就頽圯永平楊齊賢由豐潤縣教諭來為通州學正思振厥職擇民間子弟可教者得三十家籍之入學謂之誦書白之官府而復其身州之參考侯與州之長協心主張于上於是人願出力以修廟學至治二年七月役興八月績成孔廟正殿東西兩廡爰及外門上瓦下甃朽壤一新講堂敬陳葢覆而塗墍之前後臆牖中外荒砌悉備其所未備其南則啟門墾一間

其北則績穆宇三間學者迺有藏息之所廟之南豎穹
碑刻加封詔書示永久積年之頽靡一旦而完整雖曰
學官之勤徽州官扶持之功胡能致是哉古之牧民者
常以教民孝悌忠信為急務通州之官能用意於廟學
不取後庶幾不愧古良牧之政矣州長名蘇拉吉達其
官承直李侯名頤森其官承事在州多惠政通民使之
初榆河之西有間田欽依至元三十一年詔旨撥蘇州
學後運官奪取造廬舍而私其傲利齊賢愆於官戶部
禮部暨監察御史直其既以昇州學如初今齊賢又以
餘暇率所轄三河縣之民修其縣之廟學槩可書也
吳文正集 按蘇拉滿洲語閑散也
吉達槍也舊作達朗吉大今譯改

臣等謹按州學明萬歷年間巡按黃吉士修刑部
主事蔡成已撰碑崇禎十三年知州嚴錫命修葺

殿門開泮池

本朝康熙十一年知州閻興邦重修吏部左侍郎張士甄撰文國子監祭酒沈荃書石十八年地震傾圮知州于成龍修吏部尚書張士甄撰碑乾隆三十二年復修

原通州取漕運通濟之義

郡縣釋名

原元通州十三倉曰有年曰富有曰廣儲曰盈止曰及秬曰迺積曰樂歲曰慶豐曰延豐曰足食曰富儲曰富

行曰及衍

禁編

原延祐六年七月通州瀋州增置三倉

元史仁宗紀

臣等謹按十三倉見元史職官志又地理志通州有豐備通濟太倉或即延祐時增置之倉云

增通州都漕運司在通州大道之北

析津志

臣等謹按都漕運司署遺址俱無考

原永樂七年七月修通州衛倉十三年二月設北京通州左右衛神武中衛定邊武清五衛倉十六年八月置

通州衛通濟倉

明成祖實錄

原通州衛在州治南建文四年成祖置衛於此又有左

右二衛俱永樂中建

方輿紀要

原神武中衛亦在州治南建文二年燕王所置又有定

邊衛在州治西南則建文四年所置也

同上

臣等謹按通州衛神武中衛定邊衛武清衛遺基

今俱廢惟左右二衛各設千總一員督運

原景泰六年二月增置通州倉

明景帝實錄

原西倉在舊城西門外新城中俗呼大倉永樂七年建
中倉在舊城南門內永樂中建南倉在新城南門內天
順中添設東倉在舊城南門內亦永樂中建隆慶三年

歸并中倉

通州志

原宣德五年添設戶部尚書一員專督倉場後或用侍
郎無定銜俱不治部事嘉靖中令兼理西苑農事隆慶
初罷兼理萬曆九年裁革命本部侍郎分理之十一年

復設

明典

原通州倉戶部歲委員外郎一人主事四人或七人或九人監出納之政其所居公館中有園亭有事議焉有

客燕馬皆於斯在

客春堂

原宣德間設總督倉場太監一員正德間添置二三員

嘉靖間裁革正統間設總督倉糧太監一員至正德間

添至十七八員嘉靖初止留二員至十四年盡裁革

通州志

原戶部尚書梁材奏本朝酌古定制監局等官供事於內府部等官分治於外具載祖訓體統截然若京通等

倉戶部職掌督收則有侍郎郎官巡視則有御史綱舉
目張萬世無弊宣德正統以來始用內臣亦止一二而
已正德間陸續增置一羊九牧需索多門虐害輓卒漕
政大壞宜一體裁革以復聖祖設官分職之典從之
疏議

增王國光拜南京刑部尚書未上改戶部再督倉場神
宗即位還理部事京軍支糧通州者候伺甚衆國光請
遣部郎一人司之名坐糧廳投牒驗發無過三日諸軍

便之

明史本傳

臣等謹按

本朝定制通州置二倉一曰大西倉一曰中倉每倉滿漢監督各一員隸於倉場總督總督帶戶部侍郎銜亦滿漢各一人專司漕政通州京城各有衙署每年以春月駐通冬月回京署治事坐糧廳滿漢各一人以御史及六部司員充之綜收糧石轉搬各倉又欽命巡漕御史綜核之規制盡善此漕政之遠邁於元

明也

原通州距京城東四十餘里城中積糧數百萬石已
之變顏森南犯謀報欲據通州朝議先焚倉廩會周文
襄忱至京師都御史陳僖敏鑑問計於周周曰若如此
敵未至而棄軍實非計也蓋若檄示在京官軍旗校預
給一歲之糧各令自支則糧歸京師又免輦運之費不
數日敵至通州無所獲而去

長水
日抄

臣等謹按明史于謙傳景帝立謙入對奏曰通州

積糧令官軍自詣關支以贏米為之直勿棄以資
敵帝深納之此作周文襄忱或者忱曾發此議而
謙適入奏所見畧同可並存耳

補先是漕運京糧唯通州倉臨河近便自通州抵京倉
陸運四十餘里費殷而增耗不給各處赴京操軍久役
用乏劉本道慮二者之病奏將通州倉糧於各月無事
之時令歇操軍旋運至京每三十石給賞官銀一兩而
漕運之糧止於通州交納就被增置倉廩三百間以便

收貯歲積羨餘米五十餘萬石以廣京儲上賜二品服
以旌之本道常州江陰人由掾吏仕至戶部右侍郎蒙智

蒙智

原新城西南隅為工部廠廠以其屬主事一人領之所治不一其事而惟修倉掌收輒料為專職正德戊寅海陵華源楚來領廠事外闢重門內廣廳事總為舍百二十楹乃立石廳事題名其上而通政司使楊果為之作

記

通州志

臣等謹按甌廠在今通州北門外每年臨清州附

漕船解運交厥通永道收掌之工部有取用則徵之

原潞河驛隆慶中被火萬厯五年秋因舊址興工驛西為總會鋪東為來賓館後為撫夷館其扁額曰四方來

同曰渙號曰綸音曰不皇曰來賓曰歸心曰向化

快雪堂集

原張翥早發潞陽驛詩

征車如水轡如絲望入金河

欲曙時萬里山川環拱把九天宮闕起參差風林泥泥

秋多露野淀稜稜曉有漸三十餘年

觀國願白頭今日到京師

蛻菴集

增潞河驛在通州舊城東關外潞河西岸明永樂中置

又驛西舊有遞運所今革和合驛在通州東南三十五里舊名合河驛以白榆渾三河合流而名明永樂中置萬厯中移置張家灣改今名今有驛丞

大清一統志

臣等謹按潞河驛康熙三十四年併歸和合驛

原潞河一名沽河一名鮑邱水北自檀州密雲縣界流入魏氏土地記潞縣城西三十里有潞河源出北山南

流謂此水也

太平寰宇記

原潞水自塞外丹花嶺合九泉水一南經安樂故城與

螺水合為東潞河一南經狐奴故城與鮑邱水合為西

潞河

長安客話

原潞河東半里許有潞沙曹操征烏丸袁尚等鑿渠自潞泥由派水入潞沙即此地也

奉使行程錄

原出之潞縣有潞水即露河也

路史

臣等謹按潞河源出密雲縣霧靈山潮河水自塞外

注之南流經州城東北會渾榆諸河凡三百六十

里至直沽合衛河入海元史所謂通州運糧河全

仰白榆渾三河之水合流名曰潞河是也又名白

河詳見下

原潞河鐵後視元季物

燕都遊覽志

臣等謹按鐵後視今無考

原遼聖宗統和五年辛酉縣西被鶴擒虜十二年十一月漁於潞縣西漂十四年六月漁於潞河遼史聖宗紀補金海陵燭王謀南侵命戶部尚書蘇保衡造戰船於潞河建炎以來朝野雜記

補正隆庚辰春正月再役天下軍民夫匠不限丁而盡起之委右丞相李通提造軍器於燕山之西北隅遣工部尚書蘇保衡侍郎韓錫郎中張季愈造戰船於通州潞河正隆事述

補正隆四年二月造戰船於通州詔諭宰臣以伐宋事

十月乙亥觀造船於通州六年二月徵諸道水手運載

船金史海陵紀

補周麟之造海船行造海船海旁橫斷雷殿山大船

開艦容萬斛小船乘鵲何翺翺傳聞路縣燕京北木梯

翻空浪頭白近年升作北通州謂是背吭宜控扼坐令

斬木千山童民間十室八九空老者駕車輦輸去壯者

腰斧從鳩工目期鼓拊滄溟隘他時取道膠西若橋頭

相風風北來飛航信宿超吳會誰為此計狂且慙南北

土性天淵殊北人鞍馬是長技南人濤賴如坦途果爾

疑非萬全策駭民思作魚龍食任渠轉海入江來訂有

周郎當赤壁海陵集

補後至元己亥歲廣帥進鰐魚致之潞河滿林木皆杲

鳴日夜不止蜺卷集

原永樂十三年十月上獵近郊經白河之上顧侍臣曰

朕昔靖難時嘗冬月欲渡北河甫至河而冰合遂濟師

當時亦宣計有今日神明之相未嘗忘也遂親
為文遣都督譚廣以時牲祭河 明成祖實錄

增乾隆十年

御製過潞河浮橋詩 東風已解碧琉璃坡草隄楊春

與宜恰是昔年承

使命

雍正年間
大祭屢經奉

景陵清明
命承祀

浮橋西畔覓題詩 石

火光陰電影馳幻中歡喜幻中悲即看逝者東流水昔
日今朝有所思 潞河千古帶通州物色風光望裏收
馬上得詩成半偈浮橋徹底幾曾浮

增乾隆十五年

御製過潞河詩

潞河潦雖退平川水猶漲以此例永

定狂瀾詎能障黍莖帶沙痕結穗欠豐壯景異向所觀
憑輿增悵快頗有為解者云此河灘上本為水由處人
不與相讓於茲得免潦高田恐無當我聞吁益輦何莫
非吾民使人有餘地孰與水爭利高下皆獲收吾願其
少酬

增乾隆三十一年

御製潞河懷古詩 空傳彭寵守漁陽城水東西宛莫

詳祇有德鈞趙衛耕稼至今鄉尚號甘棠

臣等謹按潞河

御製詩謹譯有關紀述者恭載卷內餘不備錄

原傳若金潞縣舟中寄楊工舍詩 買得吳船繫柳根
潞河新雨過黃昏都門只隔烟中樹 一夜尋君若夢魂

春風亭館看花時自變新聲教柳枝 只恨秀娘空第
一不曾歌得斷腸詩 傳與礪詩集

原陸顥潞河詩 久住頻看雪天寒未見花經年常在
客聽雁忽思家春重眠多夢年侵鬢有華何由遣懷抱

惟仗醉流霞 顥光集
原謝遼曉發潞河作 千里鄉心逆雁飛晨光初動尚

煮微送迎深蛺蝶勞窈從今昨何煩問是非自在沙鷗眠
岸迴洞雲霜葉桂林稀十年京洛歸來晚猶喜緇塵未

染衣 木翁歸田稿

原林春澤出都次潞河作 朝發都城閨夕宿潞河舟

雁落沙渚淨霜降菰蒲秋天寒節物換河漢曉夜流回
望郭隗臺黃金不可求廢興已陳迹懷古心悠悠 人

瑞翁集

原陳師潞河舟中作 夾岸垂楊青可憐出門仍是葛

木天鄉書不到東吳雁客夢重尋潞水船季子貽裘無
那敵王喬鳬舄幾時旋年來作客渾南北囊底曾無貲

酒錢 復生子稿

原簡霄潞河舟中作 潞水經年別風塵又覺非岸蘆

迎棹舞檣燕掠人飛澤國魚梁竭江城候吏稀人煙沙
草外一縷起斜暉 荅泉集

原蒲思潞河晚泊詩 水宿鼉龍窟波翻蘆荻風漁燈
然夜月客思渺秋空人似長卿病途非阮籍窮平生雪

漢志進止任飄蓬 諸葛定集

原張選發潞河作 扁舟發潞河駕言返舊服津路多

適迴舟行往如復回首黃金臺宛然猶在目仲春天氣
和新鶯上喬木青蔥布邱甸牛羊散平陸緬懷滄洲間

栖遲動信宿 拈韻集

原范言詩 烟沙潞河晚客思余愁何殷聞天非遠江

潮夢已多月憐清夜析風想早朝珂短燭傾燕酒孤蓬

曉楚歌 青陽集

原黃鳳翔告歸發潞河作 方朔本吏隱相如常病渴

明時許乞身初未辭魏闕卑卑逐扁舟長河接溟渤細

鱸爭唱呼鷗鷺閒出沒帆影日外落津頭棹歌歌舉酒

酬暮雲慘兼對夜月悠然萬里心傾與江天豁 黃宗

伯集

原沈叔原潞河留別錢給事詩 扁舟南下更依依兩

地合悲共落暉欲別也知手顫執每思故里夢先歸黃

金臺上龍媒老白鷺洲前雁影稀說江城春色早可

次定四車全書

欽定四庫全書

三

同書里通芳菲 存石居士集
補唐陸渢河晚泊詩 迴瀾落帆盡長堤帶郭斜暮烟

平北樹春雨落沉沙白艇藏漁市黃節覆
西來一瓢雲水外不復問年華 白榆集

欽定日下舊聞考卷一百八

欽定四庫全書

欽定日下舊聞考卷一百九

京畿通州二

原白河自密雲南至牛關山與潮河合流至通州入直

沽一名白遂河

明一統志

原河兩岸皆白沙不生青草故名

通州志

原都城經通州六十里為大通橋河通州至直沽三百

六十里為白河

漕船志

臣等謹案大通橋河即通惠河白河即潞河

原州東二十里白河源出宣府衛龍門所東滴水崖東流入密雲縣北境之石塘嶺過縣西入通州界其支流亦從石塘嶺過懷柔縣西順義縣東入通州東境合焉東南經漕縣武清縣東而入直沽合衛河入海一名潞河亦曰沽水水經鮑邱水出禦夷鎮北塞中俗謂之大榆河南通路縣為潞水後漢建武二年遣將鄧隆討彭寵於漁陽隆軍潞水南為寵所敗宇文周宣政初幽州

人盧昌期起兵據范陽高寶寧時據和龍引兵聲援至
潞水昌期已為周軍所平乃還唐武后萬歲通天二年
契丹孫萬榮侵掠河北諸州既而敗走潞水東為其下
所殺宋宣和六年金叻哩布自平州破檀薊至三河郭
藥師迎戰於白河敗還遂以燕山一路降金明嘉靖二
十九年古北口有警御史王忬馳至通州收漕舟艤潞
河西敵阻水不得渡是也

方輿
紀要

原白河在灤州東四里北出通州潞縣南入於通州境

又東南至香河縣界又流入於武清縣境達於靜海縣
界至元三十年九月漕司言通州運糧河全仰白榆渾
三河之水合流名曰潞河舟楫之行有年矣今歲新開
牕河分引渾榆二河上源之水故自李二寺至通州三
十餘里河道淺澁今春夏天旱有止深二尺處糧船不
通改用小料船搬載淹延歲月致虧糧數先是都水監
相視白河自東岸吳家莊前就大河西南斜開小河二
里許引榆河合流至深溝壩下以通漕舟今丈量自深

知不足齋叢書

小料船運載甚便都省准馬通惠河自通州城北至樂
歲西北水陸共長五百步計役八萬六百五十工大德
二年五月中書省劄付都水監運糧河堤自楊村至河
西務三十五處用葦一萬九千一百四十束軍夫二千
六百四十九名度三十日畢於是本監分官率濠寨至
楊村歷視壞堤督巡河夫修理以霖雨水溢故工役倍
元料自寺洶口北至蔡村清口孫家務辛莊河西務堤
就用元料葦草修補卑薄創築月堤頗有成功其楊村

兩岸相對出水河口四處葦草不敷就令軍夫採刈至
九月住役楊村河上接通惠諸河下通濬沱入江淮使
官民舟楫直達都邑利國便民奈楊村堤岸隨修隨圯
蓋為用力不固徒煩工役其未修者候來春水涸土乾
調軍夫修治延祐六年十月省臣言漕運糧儲及南來
諸物商賈舟楫皆由直沽達通惠河今岸崩泥淺不早
疏浚有礙舟行必致物價翔湧都水監職專水利宜分
官一員以時巡視遇有頽圯淺澁隨宜修築如工力不

數有司差夫助役急事者究治從之至治元年正月十一日漕司言夏運海糧一百八十九萬餘石轉漕往返全藉河道通便今小直沽汭河口潮汐往來淤泥壅積七十餘處漕運不能通行宜移文都水監疏濬工部議時農作方興兼民多艱食若不差軍助役民力有所不逮樞密院言軍人不敷省議若差民丁方今東作之時恐妨農事其令大都募民夫三千日給傭鈔一兩糙粳米一升委正官提調驗日支給令都水監暨漕司官同

督其事四月十一日入役五月十日工畢泰定元年二月福府臣奏臨清萬戶府言至治元年霖雨決壞運糧河岸宜差軍修築臣等議誠利益事令本府差軍三百執役從之三年三月都水監言河西務菜市灣水勢衝啗與倉相近將來為患宜於劉二總管營相對河東岸截河築隄改水道與舊河合可杜後患四年正月省臣奏准樞府差軍五千大都路募夫五千人日支糙米五升中統鈔一兩本監工部委官與前衛董指揮同監役

是年三月十八日興工六月十一日工畢致和元年六月六日臨清御河萬戶府言泰定四年八月二日河溢壞營北門隄約五十步漂舊椿木百餘崩圯猶未已工部議河岸崩摧理宜修治既都水監會計工物各處支給其役夫三千人若擬差民方春恐妨農務宜移文樞密院撥軍省准修舊隄岸展濶新河口東岸計工五萬九千九百三十七用軍三千木匠十人天歷二年三月漕司言元開劉二總管營相對河北舊河運糧迂遠乞

委官相視復開舊河便四月九日奏准差軍七千委兵部員外郎鄧衡都水監丞阿哩漕使台哈布哈等督工修浚後以冬寒候凍解興役三年工部移文大都于近甸募民夫三千日支糙粳米三升中統鈔一兩兵部改委辛侍郎暨元委官修闢至順元年六月都水監言二十三日夜白河水驟漲丈餘觀音寺新修護倉隄已督有司差夫救護今水落尺餘宜候伏槽興作

元史河渠志按台

哈蒙古語長毛也布哈義見前舊作大不花今譯改

臣等謹案元史所載李二寺即今里二泗也地在張家灣見下卷又考北運河向以白榆渾河之水濟運今渾河不入運而通惠河涼水河尾閘亦導歸運河復於楊村河西務以上設立刮板叉夫隨時疏濬河漕永利矣

又按今白河自北來南至天津之三汊河入海衛河自西來亦至三汊河會流入海靜海在衛河之濱乃衛河所經若白河則不能逆流至靜海元史

白河達靜海之說應屬舛誤謹附辨於此

原至治元年七月通州潞縣榆村水決

元史英宗紀

原洪武二十四年春正月北平布政使司左叅政周偉

言通州白河北接大山諸河水道東南至直沽海口每

霖雨時降水滂泛漲橋梁頽圯修築勞民其通州舊有

糧船六十餘艘罷運已久宜改為浮梁於白河之上以

便經行書奏命廷臣議行之

明太祖實錄

原秦使天下飛芻輓粟起於黃埕瑯琊負海之郡轉輸

北河北河蓋卽白河也隋煬帝穿永濟渠引沁水北通
涿郡蓋自白河入丁字沽由易水而達於涿也唐明皇
事邊功運青萊之粟浮海以給幽平之兵蓋亦由白河
也宋太平興國中於清苑界開徐河雞距河入白河以
通關南漕運元至元中海運出直沽入白河以抵京師
按桑乾河自盧溝橋東南流經固安縣楊先務又經霸
州苑家口合灰河渾源川崞川胡良河琉璃河廣陽河
鹽河至武清縣丁字沽凡四百餘里入白河自楊先務

至丁字沽通舟楫又保定府西北曹河徐河石橋河一
畝泉河滋河沙河鴉兒河唐河諸水發源不一至安州
西北十八里合流總名易水過安州至雄縣南又名瓦
濟河東北經保定縣鴉兒灣又會中堡河長流河溫義
河拒馬河白溝河至霸州苑家口與桑乾河合自安州
至丁字沽四百餘里通舟楫又鐵釘竿河自博野縣東
北流至河間府數支繞城而北相合東北流五十餘里
至市莊分為二一自市莊西北十五里流經任邱縣南

分為二遠城而北相合東北流二十餘里至武盡淀一
自市莊東北流經東莊橋至武盡淀二水又合東北至
貓兒灣與桑乾河合自河間府至丁字沽五百餘里任
邱縣至丁字沽四百餘里俱通舟楫按此則白河西北
可通固安縣又可通安州東南可通河間府桑乾易水
亦可以漕運無疑矣抑燕趙之間地方千里其間巨細
河流悉至武清縣丁字沽注於白河故一遇雨潦白河
滿溢武清縣要兒渡口南蔡村等處衝決隄岸壞民田

廬起夫築塞勞費萬計逮時乾旱舟行白河又或淺阻

以此知水勢盈涸不常不可以經久而論也

漕河圖志

原蔣山卿白河寒望詩

極目空原野蕭條此水村茫

茫河自白慘慘月初昏遠岸迴蒲口寒潮接海門扁舟

忽漁唱楚家正

傷魂南泠集

原富河在州城北源出甕山自白羊口經榆河下流為

沙河由順義縣南界流至州城東北與白河會焉

通州志

臣等謹按富河即溫餘河亦稱榆河詳見

本朝一統志溫餘河條下

原永樂十五年十月修通州城東白河富河橋

明成祖實錄

原宣德三年七月命通州修白河富河橋梁四年九月

上謂工部尚書吳書中等曰天氣向寒白河等處人

難徒涉當治橋梁中奏惟白河水深沙溜橋梁難成宜

用官船為梁以濟餘皆用民修治從之

明宣宗實錄

原正統元年十月造通州白河浮橋以馬快船及預備

運輓船為之三年十二月工部奏通州白河自正統元

年水溢決孩兒等口傷民田稼請令把總都指揮同知

劉斌及通州發夫築塞之上從其請且曰河決非細事再踰年乃言之何緩也工部言今年二月始得順天府實報上命下順天府尹姜濤通州掌州事治中楊衡於獄九年三月修通州富河白河橋

明英宗實錄

臣等謹按富河橋久圯今於北門外建置浮梁往來利涉焉

原石壩在州城北嘉靖七年建京糧從此盤入通惠河土壩在州城東通糧從此起車運入西倉南倉中倉萬

歷二十二年郎中于仕廉相舊蹟建新閘開隍濟漕省

費甚多

通州志

臣等謹按石壩在州城北一里許

原嘉靖二年三月御史向信請修復大通橋至張家灣
廣利等八閘以紓民陸運之苦工部議行河道侍郎相

度以聞

明世宗實錄

原普濟牐距平津下牐十三里至元中建上下二木牐

延祐後易以石廢上牐

水部備考

原溥濟上下二閘相距五里元至元二十九年始建木

牐名楊尹牐延祐以後修石牐改名溥濟

漕河圖志

原正統八年九月修通州普濟牐

明英宗實錄

原通流上下二牐上牐在州治西門外西至普濟下牐

十里下牐在南門外西北至上牐五里元至元二十九

年始建木牐曰通州牐延祐以後修石牐改名通流

漕河

圖志

原通流牐西至普濟牐十二里至元中始建二木牐名

通州延祐後易以石併二牕為一改今名

水部備考

原宣德七年八月修通州通流牕

明宣宗實錄

原廣利牕在張家灣中馬頭西上至通流下牕十一里

下至牕河口三里元至元二十九年始建木牕名河門

牕延祐以後修石牕改名廣利

漕河圖志

臣等謹按今州治計有三牕一曰通流在城中一

曰南普在城東南一曰普濟在城西其平津上下

等閘俱隸大興縣境

原卧虎橋在北關月城外舊以板為之萬厯六年工部

郎中李燾易之以石

通州志

臣等謹案卧虎橋又名通濟橋今存

原正統十一年八月建通州八里莊橋命工部右侍郎

王永和督工

明英宗實錄

原八里莊橋即永通橋在普濟牖東正統十一年勅建

祭酒李時勉作記

通州志

臣等謹案永通橋距州治八里明李時勉碑尚存

原李時勉永通橋記 通州城西八里有河京師諸水會流而東河雖不廣每夏秋之交而水泛溢常架木為橋比舟為梁數易輒壞內官監大監李德以聞於上欲於其地建石橋乃命司禮監太監王振往經度之總督漕運都督武興於漕卒都指揮僉事陳信領之工部尚書王世會計經費侍郎王永和提督之又命內官監太監阮安總理之橋東西五十尺為水道三卷卷與平底石背交互通貫銅以鐵分水石莖以鐵柱當其銜橋南北二万尺兩旁皆以石為欄表二坊題曰永通橋蓋上所賜名也又立廟以祀河神經始在正統十一年八月告成於十二月明年三月立石 古廉集

原虹橋在通州河東三十里

燕石集

臣等謹案虹橋今無考

原天歷元年丞相雅克特穆爾將大軍東出討國們
岱爾與王禪前軍戰於河勦之追殘兵於虹橋北兩軍
隔虹橋水為營合兵鏖戰白浮之野大敗之石田集
按國們蒙古語萬數也岱爾壯虎也舊作瓦滿迭兒

今譯改

原特羅特穆爾調伊蘇南衆庫庫特穆爾軍伊蘇次良
鄉不進而歸永平遣人西連太原東連遼陽博羅特穆
爾患之遣號將姚已延布哈統兵出衆至通州河溢營
虹橋以待伊蘇出其不意襲而破之禽姚已延殺之博
羅特穆爾大恐自將出通州三日大雨而還元史迄
臣傳按庫庫特穆爾義俱見前舊作擴廓帖木兒今
譯改

原宣德三年八月車駕發京師渡潞河駐蹕虹橋
宣宗實錄明

原宋聚詩 野春平碧生煖烟虹橋南畔沙漫天
潞陽河上原有神直下復有釣魚船 燕石集

補雙橋在柳巷之西通州大興界也文徵仲出都詩云
立馬雙橋日欲斜沙塵吹霧暗征車從今絕跡江南去
只見青山不見沙蓋經此地作也

潞沙
筆錄

臣等謹按雙橋在城西十八里柳巷在城西十五
里

原城西北隅有佑勝教寺內建浮圖十三層高二百八
十尺下作蓮花臺座高百二十尺周圍百四尺虛其中
以祀佛攷斷碑叙於唐貞觀七年塔頂有鐵矢一相傳

金將楊彥升所射迄今猶存每天氣清朗塔影遠垂映

白河中作搖動勢

名勝志

臣等謹按佑勝教寺在城西北隅寺內然燈佛塔及蓮花臺座鐵矢俱存斷碑無考

原然燈佛塔建自後周宇文氏貞觀中尉遲敬德修元

至德間都哩都爾蘇再修

帝京景物畧按都哩都爾蘇義俱見前舊作篤烈圖述

改今譯

臣等謹按至德為唐肅宗年號元代無之帝京景

物畧所載元至德應是大德之誤

補然燈佛塔在潞河城北敦峻多級外剝內文中空下
實非十丈梯不能上

客雪
吟

原開平王常遇春祠在舊城南門內東隅明太祖時勅
建以燕山侯孫興祖配每年春秋上丁有司致祭

通州志

原通州南門內有鄭國公祠碑稱公下通州嚴戢士卒
民不知有兵愛公如父母公薨喪過通罷市迎哭共釀
財立廟裨史言常將軍剽銳嗜殺所至縱士卒殺掠故

兵鋒為一時冠獨于北方能爾蓋知天下將平行事當

與草昧時異也

燕山叢錄

臣等謹按常遇春祠惟碑尚存

原王直重修開平忠武王廟碑 正統十二年秋八月
通州守臣李經言州城東南隅舊有廟以祀開平忠武
王常遇春蓋洪武三年奉勅建每歲春秋守臣以少牢
行禮庭下載在祀典今八十年矣修治不繼日入于敝
思無以稱朝廷崇德報功之意請繕完如法制曰可命
工部聚材鳩工撤而新之通州諸衛及州所屬縣各以
丁夫給役且命總理通州諸務都指揮僉事陳信督之
命既下文武吏士奉承惟謹財不徵而集工不召而至
智者效謀壯者効力作正殿翼以兩廂前啟三間旁列
廚庫凡諸象設靡不畢備宏麗廣深有加于昔經始于

九月己酉而以明年四月成惟王以忠信智勇佐太祖
渡江削平東南郡縣遂議北征車駕至汴申命大將軍
徐達而王為之副天聲所臨無思不服王先至通州禁
侵暴務安輯人不知兵市不易肆皆愛戴如父母遂收
燕都明年平河東入秦元之敗卒復侵通州王還兵拒
之州人免于荼毒其德王尤深既率師破開平大俘獲
而還至柳河川以疾薨柩歸過通州州人皆罷市迎哭
既去而念之不衰飲食必祭上思王之功而知民之感
慕如此此廟之所以作也王生為上公沒有顯號而廟
祀永久其在京師尤盛此特其別祠耳 王文端集

原靖嘉寺在州治東原名慈恩寺元至正二年建天順
二年賜今額弘治十年災正德十年重修建俗呼為大

寺

通州志

臣等謹按靖嘉寺在城東隅今前殿僅存

原文彭宿通州靖嘉寺詩 古寺荒烟合巍然三殿存
迴廊餘磴石曲逕滿苔痕歲久梁恩暗庭間鳥雀喧獨
憐車馬客一宿戀空門 文博士集

原靖安寺在州治東南金大定十三年建

通州志

臣等謹按靖安寺今存

原悟仙觀創于元至正初明宣德三年因舊址拓之建

通明殿

通州志

臣等謹按悟仙觀在舊城南門內今存

原南臺坡在舊城南關有元潞陽郡公李廷墓天啟初
水潦岸崩墓石盡露乃藝文監丞揭侯斯所撰土人錄
其文仍取土拊之

通州志

臣等謹按李廷墓無考

原揭侯斯潞陽郡公墓誌畧 天歷元年春二月八日
淮東宣慰使李公覺贈通奉大夫江西等處行中書省
參知政事護軍進封潞陽郡公諡忠靖元統二年冬十
有一月念二日其配潞陽夫人柴氏薨十有二月六日
合葬通州潞縣之南臺坡先塋嗣子世安請銘公諱廷
字端卿其先漳南人今家京師起家京尹曾由將仕郎
十遷為中奉大

夫

秋宜集

原寶通寺在新城南門外明天順七年太監張文鋒建

賜額

通州志

臣等謹按寶通寺在州城南門外半里許有明天

順八年禮部尚書姚夔碑及成化五年戶部尚書

薛遠碑

增姚夔寶通禪寺碑畧

通州新城南門故有招提名

曰天寧圮廢滋久天順七年

當糧張公文鋒親蒞荒涼

頓發大願捐資逾月而天王殿成又逾月而伽藍

殿成祖師殿禪堂兩廊相繼成鐘鼓有棲必芻有房餘

以周垣屏以山門極其華飾疏以上聞賜額寶通禪寺

請予為文鐫石以垂不朽天順八年六月立

通州志

增薛遠竇通禪寺記畧 予奉命總理京儲至通州遊
憩於寺得遍觀其勝喜其清幽爽塏俗氣迴絕主僧請
一言以記其勝俾垂悠久成化五年九月立 同上
原業元玉寶通寺詩 詰朝載酒寶通寺食盒春漿但
小裝千里春風陽鬢雪十年塵夢愧松篁綠陰屈指無
三月白日題詩共一堂醉後浩歌還起舞不妨人笑老
夫狂
古崖集

原通惠祠嘉靖四十五年建以祀監察御史吳仲有督

學御史慈谿顏鰲碑記

通州志

臣等謹按通惠祠無考惟記文載州志今存其畧

增顏鰲通惠祠碑記畧 國家建都燕幽歲漕自東南
抵灣輒車牛資丁壯陸輓以達京師費脚價鉅萬先是

元郭守敬謂京西北白浮神山諸泉可濬以省搬運之苦成化弘治間言者交章每為異論所乘事輒中罷嘉靖丁亥毘陵吳公仲以御史按京儲周視水道盡得其狀抗疏以聞詔命仲專董其役于是斥山通澤決去阨洶漫患而泉流始清塞諸水口之壅陋旁溢者而小川始入則壞置閘鱗次轉運皆有程度水利大通千艘銜尾直達都門公去後數十年民益思之相與立祠歲祀焉

原通州城北五里有黃船隄河水滌洄官柳陰映永樂中設黃船千艘以其半輪往江浙織造俗名黃船塢

上同

臣等謹按黃船埠在州城北五里船制今廢

原高麗莊在州西十五里盧溝河所經又州西二十里
曰大黃莊州西十里曰東流村州東十里曰召里店皆
官軍巡哨處也

方輿
紀要

原州境有煙墩五曰召里店烟郊東留村大黃莊高麗
莊又有馬房八俱在州北二三十里內又有草場三曰
崇教鳴玉花園俱在城西南十里

邊防
考

臣等謹按煙墩舊址久廢馬房在鄭村今隸大興
縣崇教草廠在城南八里鳴玉草廠在城南五里

花園草廠在城西南五里今俱廢而僅存地名耳

原倒馬坡在安德鄉相傳都司平安倒馬處

通州志

臣等謹按安德鄉在城北二十里倒馬坡無考

原將臺在通州西二十五里中山武寧王徐達建

寰宇通志

原將臺有三其二在州城西相傳武寧王徐達建或曰

唐薛仁貴征遼所築用席壘土為之其一在州城北通

京師東直門中路舊傳慕容氏拜將臺也

名勝志

臣等謹按將臺故址今存

原金幼孜過將臺追憶先皇作憶從先帝北征時親奉鑾輿誓六師威駕風雲嚴號令傳分龍虎耀旌麾指揮掌握真無敵駕馭英雄政有為一自鼎湖仙去後幾回過此重增悲

金文靖集

原淨業寺在通州南一十五里

燕都遊覽志


臣等謹按淨業寺今名立禪菴在州南張家灣

原陸光祖重修淨業禪寺記畧通州之南十五里有淨業寺唐大厯間淨業院之故址也宣德三年因其址建寺建而復圯嘉靖中大學士西蜀趙大洲先生與寺之律師時寶為方外交乃捐金構材重修之予亦佐其費迄萬厯五年工乃成又八年余遷官留都舟南下經寺前入宿律師丈室因為作記陸莊簡集

補溫陵李贄墓在通州迎恩寺西

客雪吟

臣等謹按迎恩寺州志作迎福寺久圯今其地尚
名迎福寺街距城北三里李贄墓尚存



欽定日下舊聞考卷一百九

欽定日下舊聞考卷一百九舉正

通惠河原書訛作惠通今改

白河在鄆州東四里條

通流牘原書牘訛作河今改

宣德七年八月條

廣利原書訛作廣濟今改

廣利牘在張家灣條

欽定日下舊聞考卷一百九舉正

欽定四庫全書

史部

欽定日下舊聞考卷一百十二

詳校官庶吉士臣范逢恩

檢討臣德生覆勘

總校官進士臣程嘉謨

校對官進士臣單可璠

謄錄監生日黃珩

欽定四庫全書

欽定日下舊聞考卷一百十

京畿通州三

原張家灣在州南十五里元萬戶張瑄督海運至此而
名東南運艘由直沽百十里至河西務又百三十里至
張家灣乃運入通州倉益盧溝河與白河會流處也

方輿

紀要

原張家灣為潞河下流南北水陸要會自潞河南至長

店四十里水勢環曲官船客舫駢集于此絃唱相聞最

稱繁盛

長安客話

原張家灣置巡檢司在土橋西鹽倉批驗所在烟墩南

名勝

志

臣等謹按張家灣

本朝添設通判一員都司一員

原竹木局建于通州自永樂始其抽分有二八九一之

額舊制張灣之許設有大通關巡檢司通州竹木局又

以大使領之梓筏至者各列其材板枋之多寡長短濶狹厚薄之差等以達之關司長關司長據所差等較勘虛實而上之巡倉御史御史據所陳報而下之竹木局使如例抽之其署額曰抽分竹木廠

通志

臣等謹按張家灣稅務

本朝定制歸坐糧廳收竹木之稅歸通永道收別無專員竹木廠舊署今尚存每年各省貢木暫貯于此設廠役典守之

原行在戶部侍郎王佐言通州至河西務河道淺狹漕船動以千計魚四方商旅舟楫往來無港汊可泊張家灣之西舊有渾河若疏濬近京師一二十里更加充廣瀦為巨浸令可泊船公私俱便上命都督馮斌尚書李友直同佐審視宣德七年冬十月斌等以圖進上以其役重大命姑止

明宣宗
實錄

原正統元年十一月修張家灣通濟倉先是管糧通政使李暹奏欲移置張家灣通濟倉於通州行在戶部工

部議如所請令漕運總兵官都督僉事王瑜量遣運糧軍三千人興役至是瑜奏臣所領運糧船二萬有奇今兩處交納河道稍得疏通若并于一處不免阻塞况通濟倉雖有損敝易為修葺若欲移之則所費數倍三千人必不能辦請仍舊修葺為便從之

明英宗實錄

臣等謹按通濟倉遺址無考

原大通關在張家灣之長店百貨彙集處也

方輿紀要

增大通關明永樂中置巡司正德間葺

通州志

臣等謹按長店距州城十三里關久廢

原御馬監太監于經寵幸嘗導上於通州張家灣置皇店權商賈舟車徹至瞻負亦皆有稅中外怨之其請祠額者則香山碧雲寺所自置營域也工作糜費以百萬計上亦嘗幸焉 明武宗實錄

原正德十六年八月戶部左侍郎秦金上言實源吉慶二店課程弘治以前除順天府批驗茶引所官收受按季解部後太監于經奏為皇店科取擾害人皆怨咨乞將二店課額依弘治年例庶軍民樂業工下俱利上命如所議行 明武宗實錄

臣等謹按實源吉慶二店遺址無考

原嘉靖三十一年五月修築張家灣鎮城堡工完

明世宗實

錄

臣等謹按張家灣城今尚存

原徐階張家灣城記 自都門東南行六十里有地曰張家灣凡四方之貢賦與士大夫之造朝者舟至于此則市馬僦車陸行以達都下故其地水陸之會而百物之所聚也嘉靖癸亥冬世宗皇帝以有警詔發營兵戍之先聲播聞敵不敢犯然戍者無所據依晝夜披甲立勢實不可以久甲子春順天府尹劉君畿因以城請司空雷公禮上議曰城於戍便于守固世宗報可敕順天府丞郭汝霖通判歐陽昱內官太監桂琦以二月二十二日始事財取諸官之贖及士民之助青木取諸營建之餘執取諸內官廩之積石取諸道路橋梁之廢且圯者夫取諸通州之衛卒及商若民之饒于資者工既舉而財不時集階具以聞詔光祿寺出膳羞之餘金三萬

兩貸之於是諸臣咸悅以奮而巡按御史董君堯封王君用楨程督如嚴越三月遂以成告周九百五丈有奇厚一丈一尺高視厚加一丈內外皆甃以磚東南濱潞河阻水為險西北環以壕為門四各冠以樓又為便門一水關三而城之制悉備中建屋若干楹遇警則以貯運舟之粟且以為避兵者之所舍設守備一員督軍五百守之而灣之人南北之縉紳中國四夷朝貢之使歲漕之將士下逮商賈販傭胥恃以無恐至于京師亦隱然有犄角之助矣仰惟國家建都燕薊百六十年于茲乃灣之有城實自世宗遣戍之詔始蓋世宗雄才大畧出于天縱而討謨庸算又得于夙夜計安天下之心非偶然者其功在社稷廟稱為世雖未易以名言然此固其一也夫觀河洛而思禹情也亦義也今而後登茲城者於世宗能無思乎誠使文武吏士體保固郊圻之意而殫謀以奠封疆兵之守者懷據依之便居處之安而竭力以奮武衛其在賓旅邈周防曲護之恩而各修厥

職以供朝廷之事則庶幾為能思世宗矣惜不敏敢因紀成以規焉

世經堂集

原王宗慶張家謬曉發作沙鳥知山雨舟人狎海潮

五雲厓魏闕回首路迢迢端谿集

稿

原許大錫曉發張謬詩黃鸝啼歇晚陰開兩岸垂楊

陰綠苔葉底輕花看不見暖風吹入短篷來許黃門

原樊阜張謬舟中作朝發燕山陽夜宿張謬側葛樹

蔚紫陰浮雲淡無色曠彼西日馳憂心恒惻惻賴我同

心人相期宗令德樊氏摘稿

原王問張謬送客詩旅舍臨官陌秋風一惘然獻書

芸閣上歸夢草堂前燕市人初去江天月共憐應尋鹿

門隱同宿五湖烟王仲山詩集

原邱雲霄曉發張家謬作舟車變春夏倦與水雲期

月明宿沙謬雞聲何明明寒烟薄汀渚征人事驅馳長

河就東沒明星亦西移鳴鑣揚緇策馬縱青羈速睜

鸞鳳樓有懷金王姿元髮抱束素綠絲方見治輾轉繁
慮積緬邈千古思止止齋集

原陸深張家灣棹歌張灣水出北山頭十里洪身九
里洲惟有老漁知進退深灘撒網淺灘擎儼山詩

補桑紹良下第宿張家灣詩韶裘傲盡客還家郭隗
臺前日欲斜回首鳳城春色好鶯聲啼碎碧桃花明

詩正聲

原殷雲霄長店作牽舟下潞河河淺不可行前途漫

浩浩日暮悲孤征緣流百里間森茫即東瀛挂帆越萬
里快哉平生情失計今如此憂懷徒自盈石川集

補緱山陳文靖公天祥告歸上遣使追及通州賜楮幣
五千緡以無功辭或曰昔二疏去漢未聞辭賞公曰辭

受在人何得以前輩相律歸田類稿
補李秉彝仲常通州潞縣人官至工部尚書兩浙轉運

使所謂閑邪公也聊城周馳為作傳趙文敏公書之元
史不為立傳其行事賴文敏之書以傳則史之註漏不

少矣 潞
沙筆 綴

臣等謹按元周馳所撰閑邪公傳趙孟頫書其刻

石在快雪堂帖中

原林皋寺唐太和中建明景泰五年重修賜額曰興國
寺廣福寺本元高麗寺舊址明正統己未更建賜今額
國通寺明洪武庚午年建三寺俱在張家灣又有鐵牛
寺孤舟寺

通州志

臣等謹按林皋寺久圯僅存石碣廣福寺今尚存

圓通寺僅存殿宇三楹及弘治間重修斷碑而已
鐵牛寺舊名五行寺久圯止存石刻門額上鐫古
刹五行寺萬歷四十一年三月重修十五字孤舟
寺無考

原里二泗近張家灣有佑民觀中建玉皇閣醮壇壘河
神像嘉靖十四年道士周從善乞宮觀名賜今額名其
閣曰錫禧萬歷十年靈壁侯湯世隆復新之

通州志

臣等謹按里二泗佑民觀

本朝順治八年

世祖章皇帝臨幸其地

賜帑重修

原王嘉謨里二泗東皇祠下作 檉桐發春華萬萬照
中國省渺平湖濶孤帆遠新雨中流見古祠松雲滄岸
樹翠酒酬茲芳村巫起屢舞雪消巖初綠蘋香魚正乳
但醉不須辭此樂真堪取 薊邱集

增湯顯祖登張灣里二泗道院高閣詩 頭舳聚氤氲
蹏弓凌暉皎旅積方此舒波情亦堪繞 邱見蒙客重
闕思窈窕況此羽人居青瑩幽耽雙扉永平直層樓
迴飛矯陵岳翠白龜河渠白東森幢櫺密林樹伊優軋
魚鳥封畛四如畫岐術紛可了非經瀟陵後復興
河陽遠如何帝鄉雲悠然映江表 玉茗堂集

原孤山在州東四十里四面平曠一峰獨秀因名靖難
初李景隆攻北平燕王自大寧還至孤山列陣於白河

西即此

方輿
紀要

臣等謹按孤山高二十餘丈與三河縣交界處

原馬中錫登孤山書寶峰寺壁詩禪宮金碧照林邱
人道重經內監修鵲樓下聽僧說法犬吠知有客來遊
山腰石潤初過雨碑額苔深不記秋若少薄
書惟我去歌歌于此十旬留東田漫稿

原永濟寺唐貞觀中建明弘治間重修善通寺遼乾統
二年建隆興寺金天會七年建三寺俱在富河鄉永慶

寺金大定中建賢林寺元大德初建壽安寺遼天慶十年建三寺俱在孝行鄉寶光寺舊名法華寺元大德十年建在城西南次渠莊

通州志

臣等謹按永濟寺在雙橋非富河鄉善通寺即普通寺與隆興寺俱在富河鄉永慶寺在寶家莊寶林寺在大東家莊壽安寺在王近疇俱隸孝行鄉寶光寺在次渠莊均多圯廢

補范欽出都宿永濟寺作落日促行輟停林賦遠遊霜鳥驚不定水聲凍仍流世態徒青眼風塵易白頭好

憑今夜月流影入
皇州 天一閣集

原遡縣在州城南四十五里

明一統志

臣等謹按通州遡縣舊境於順治十六年省入州

原書別遡為一縣今既裁併謹附載通州簡末

原在漕河之三里

漕河圖志

原縣本漢泉山之霍村鎮遼每季春弋獵於延芳淀居

民成邑就城故遡陰鎮後改為縣在京東南九十里

遼史

原遡縣漢泉州地遼太平中改為遡陰縣金因舊名類

清類

臣等謹按通州志附載漕邑職官年表自

本朝順治十六年以前俱有姓名可據至十六年知縣
鄭駿以其地狹人稀申請裁併遂於是年改併通
州畿輔通志作九年誤

原縣舊無城郭正德初知縣郭梅始築土城周圍二里
嘉靖二十二年增修之門四北拱闕南迎薰東臨津西
通都萬歷四年始甃以磚周圍六百二十三丈高一丈
八尺雉堞一千一百八十三濠深一丈濶二丈五尺崇

禎八年知縣徐應名增高五尺濶五尺

潞縣志

臣等謹按縣城今尚存康熙三十六年設州判一

員駐劄其地兼理巡檢河工之事

原注吳澤州詩 數株楊柳弄輕烟 舟泊潞州河水邊

牛羊散野春草短 牧犢老公方解眠 吳淵頭集

原陳房氏鄆州望古北居庸諸山作 古北居庸一望

中風沙滿眼亂芙蓉 曠車皮特寬 蒼華蓋陰移太乙

峯 金口水流終到海 玉泉雲起人從龍 兩京形勝今如

此可擬秦關百二重 寄情稿

原詩山鄉鄆縣曉行作 漠漠平沙濶荒荒白日低 朔

雲風厲屢承樹亂鶻棲 戍鼓晚猶隔村烟望欲迷 關山

行戎馬情前尚征西 南外集

原顧夢圭鄆縣行 入城半里無人語 枯木寒鴉幾節

宇蕭蕭河野誰當壚武清西來斷行旅今老歲猶出
堤頭上烏紗半塵王則之不答損雙眉但訴公私苦復
昔雨電飛蛇兩傷稼春來况連連月雨縣城之西多草
場中官放馬來旁午中官占田動阡陌不出官租地無
主縣中里甲死誅求請看荒墳過村塢荒墳餘
增十永吉鄉縣舟中作江帆綠潏轉別馬憶驕嘶前
路方疑遠鄉關漸欲迷所平沙水急野間塞雲低日暮
烟回首荒村難盡樓來遠堂集

原縣舊治在城南隅元陞為州遷於河西務至正間復
移舊地改立於城東北隅洪武五年復為縣仍舊治儒
學舊在縣東南河西務洪武四年遷于縣治西北隅永
樂四年教諭楊溥葺之正統七年知縣王文復葺之天

順八年知縣賈貞復葺之有刑部侍郎董方碑記

遼縣志

臣等謹按縣舊治及儒學今廢

原岳文肅公正祠在文廟東嘉靖十年敕建春秋二仲

月上丁以少牢致祭

遼縣志

臣等謹按岳正祠今圯

原遼統和十二年正月朔瀋陰鎮水漂溺三十餘村詔

疏舊渠

遼史聖宗紀

原乾統四年十月鳳凰見于瀋陰

遼史天祚帝紀

原元延祐二年正月發卒浚鄴州漕河

元史仁宗紀

原泰定四年正月築鄴州護倉堤

元史泰定帝紀

臣等謹按護倉堤今尚存

原天歷二年四月浚鄴州漕運河

元史文宗紀

原揭傒斯以年七十致事去詔遣使追及于鄴南召還
撰明宗皇帝神御殿碑文成賜楮幣萬緡白金五十兩
中官所賜白金數亦知之
黃文獻集

原白河濱有長陵營馬頭店白浮園曹家庄請堤鋪皆

運河必經之道

鄴縣志

臣等謹按長陵營等堤舖在白河西岸村莊堤岸
今俱完整

原泗河在漵縣東四里即運河也四水會流故名泗河
一發源自塞外東流經密雲縣與潮河川合流注通州
城東北入白河即通州潞河也一自塞外西流入白洋
口經榆河下流沙河由順義南界至通州城東北入白
河即通州富河也一發源于昌平白浮村神山泉出西
南匯為四湖東入都城積水潭入宮牆太液池南至玉

河橋由東南大通橋迤東入慶豐等牐即通會河入白
河一自都城右安門外草橋流入南海子東出宏仁橋
由水南新河至張家灣板橋入白河總名運河亦名白
河

長安
客話

臣等謹按泗河即運河在灤縣舊城東三里

原灤河在縣西一名新河自盧溝河分流至縣界析而
為三其正河為灤河東入白河其一為新莊河南流入
武清縣界其一為黃漚河東注馬家莊之飛放泊各去

縣十里

方輿紀要

臣等謹按 泲河今名新河在泲縣城西二十五里

原馬家莊飛放泊在縣城北八里南新莊飛放泊在縣南二十五里榜棹堡飛放泊在縣西南二十五里

泲縣志

臣等謹按飛放諸泊俱堙廢

原天津橋俗呼新河店橋元總管郭汝梅建在縣西北

二十五里

泲縣志

臣等謹按天津橋久廢

原棗林在縣西北元致和元年上都兵破通州雅克特
穆爾與戰于檀子山之棗林敗之至正十八年山東賊
毛貴等攻渤海至棗林敗元兵遂畧柳林逼畿甸檀子
山或曰縣境小阜也

方輿
紀要

臣等謹按遼東軍破通州雅克特穆爾擊之皆渡

潞水走元史明言戰薊州之檀子山又云戰于檀
子山之棗林蓋薊為遼東孔道遼東軍敗故追戰
於此若渤海縣在通州之南棗林在縣西北遼東軍

未嘗經其地且今溇縣亦無所謂檀子山者是以
薊之棗林為溇之棗林方輿紀要致和元年一條
誤當辨也

原柳州在縣西元至元十八年如溇州又如柳林是後
以柳林可游畋之地建行宮于此

方輿
紀要

原至正十五年三月毛貴犯溇州至棗林樞密副使達

國珍戰死遂畧柳林

元史順
帝紀

原毛貴畧柳林劉哈喇布哈時為同知樞密院事奉詔

以兵拒之戰于柳林大捷貴衆悉潰退走

元史本傳

臣等謹按柳林在鄆縣西元時行宮遺址無考

原出左安門東南行四十里石橋長二十五丈曰宏仁橋橋東碧霞元君廟西向臨橋元君祠在北京日加廣麥莊橋北曰西頂草橋曰中頂東直門外曰東頂安定門外曰北頂盛莫如宏仁若歲四月十八日傳是元君誕辰士女進香鳴金號衆四十里道相屬也

帝京景物畧

原天順七年四月新建宏仁橋成橋在南海子東牆外

舊名馬駒橋水自城西南經南海子出城以木為橋水漲即衝去往來者病涉上憫之發帑金數萬改建石橋因命閣臣李賢陳文彭時往觀焉賢言工役浩大莫若用軍士一月人給銀一兩則力齊而功易完從之橋成改名宏仁命賢為碑記

明英宗實錄

臣等謹按宏仁橋亦名馬駒橋乾隆三十八年奉敕修易九洞為七洞槩甃以石復

命葺

碧霞元君廟三十九年春落成

皇上親詣瞻禮有

御製詩記勒於石正殿

御書額曰廣生利濟聯曰仁澤布東方慶貽佩韞靈風
護南苑惠普成梁東嶽殿

御書額曰神皋鍾秀聯曰木德盛於東自南布化山宗
冠維嶽因瀆資仁玉皇閣

御書額曰泰鈞宣澤閣下供太乙真人

御書額曰衆妙真樞聯曰藜杖照曾輝秘閣蓮舟坐可

濟仙源

增

御製重修馬駒橋碑文 水自南苑出者二其南源曰

團河出南苑牆東南醜為鳳河又東滌永定之濁由大
清河以歸海向固疏治之矣其北源曰一畝泉出新衙
門北屈曲東南流逕二橋凉水河自北來會之凉水河
者出右安門西南鳳泉東流逕萬泉寺分為二其一南

逕草橋曲折東注一自北逕廣恩寺曲折東注至永勝橋復匯為一東南流循南苑繚垣而東至小紅門之西入苑牆東南逕沙底橋折而南與一畝泉合又南而東至鹿圈村三海子以上之水自西南來注之又東南流穿苑垣而出逶迤至張家灣入運河是水之初出苑垣也滌演歟欲千溜一趨瓴如矢如迴激弗止則有巨梁捷之曰馬駒橋橋建自勝國歲渝寢以圯壞農旅交病石阨入水水梗或溢出妨民田廬而中溢則旁淤間塞

水所由道益不可以不亟治乃命將作相視因其舊材
撤而新之縱之得丈二十有五橫之得尺亦二十有五
為孔洞者七視昔制雖少陋而壯固有餘工始於乾隆
三十八年之春越其冬落成夫治水者必溯其源由源
而及其支流條派剔之鬣之乃可以不紊今一畝泉源
委既已剗治而凉水河所逕漫流積潦寢成沮洳爰自
鳳泉至馬駒橋濬河八千餘丈修葺橋牖凡九新建牖
五即以濬河之土於右安門外築甬道一千餘丈以便

行人具河旁稻田數十頃既墾且闢益資灌溉之利而
茲橋實下游關鍵暢尾閭以利導之尤施工之弗可已
者若前代著述家曠視臆論妄以玉泉傳合南海子之
水舛錯糾紛至可嗤笑曩賦海子行曾詳著其說茲因
所司請記復為銓治水道大畧俾方來圖經輿記知所
考據而若河若塗若橋皆王政之大端所繫綦鉅毋廢
毋墜誠有司所當務書之碑用示來許

增

御製重修碧霞元君廟碑記 馬駒橋南不數武故有

廟以奉碧霞元君橋既頽圯廟亦侈歲弗治歲癸巳飭
工建橋並命繕葺其廟踰年落成崇殿傑閣自門達廡
采葢塗堊翼然改觀是固神所憑依禮不可以不稱也
粵稽岱宗秩祀著在經訓而碧霞元君之名號惟出於
道書也無所考推闡其義蓋以岱居木位具色惟碧而
東方主生一本乎坤元之資生萬物故有元君之稱亦
若古所稱后土為富媪者具宰化育物肝蠻斯著則世

之奔走崇禮也固宜而是廟傳橋而建閱歲滋多若與
橋相為興廢者橋既復舊則廟之鼎而新之亦其宜也
或者疑神祠所在多有詎必是廟為憑之而亟亟嚴奉
為者夫神固無乎不在惟所宅之地重則其憑之也專
茲橋以凉水河所經治而醜之俾益農旅今者梁成利
涉水宅田腴而是廟之揭虔迓庥者亦煥然一革其故
貌則當人之便於橋即可知神之妥於廟也而烏得謂
所憑者之不在是耶或人有謂是廟即舊南頂者其說

無當不具論而余之所以因橋以及廟者意實在此而不在彼司工請記其事爰書此以諭之俾揭諸石

增乾隆三十九年

御製碧霞元君廟落成瞻禮有作 周禮或弗讀遂人

久失職治水並治塗互困難惜力然古實用民今惟發

價值國家之善政從不興力役橋以跨川修廟以鎮橋

飭需殷相得彰落成值此日清曉出東門

在海子東紅門外 邨

民多喜色輪奐致辦香祈祐民福國祥霽剛濕地

正值微雨

歸與雲破翼優渥以為佳降警愧無德

原李賢敕建宏仁橋碑記 都城之南一水橫流于冀方其源由堯而坤而離四來沮洳會而為河至冀乃大有一津焉在南苑之左去城四十里凡外郡畿內之人自南而來者東西二途胥出此渡車之大而駕者小而挽者物類之狀皆人之有肩負者騎者步者紛紛絡繹四時不休自力者每歲為駕木橋然寒沍之際不免湮水况秋夏漲即有覆溺艱阻之虞而人之病涉莫此為甚天順癸未春皇上聞之惻然軫念曰此先務也尚可緩耶乃命創建石橋凡百所需悉出內帑而一毫不干于民應用工役皆以白金傭之聽其自願而不強也卜日興造人皆踴躍歡欣爭趨効力不知其勞而木石灰鐵之類率以萬計不督而集橋長二十五丈廣三大為洞有九以醴水為欄于兩傍以障田者精緻工巧無以復加增岸于南北以防衝突為寺為廟以資維繫經始

于是歲四月十五日訖工于十一月初一日總其事者
內官監太監臣黃順臣黎賢董其工者工部右侍郎臣
蒯祥臣陸祥告成之日上賜名曰宏仁橋乃命臣賢為
撰碑記用示永久臣聞古先聖王之治天下也以不忍
人之心行不忍人之政網紀法度細大具舉而于橋梁
道路未嘗不留意焉觀夏令所謂除道成梁月令所謂
開通道路可見矣是以利澤及人如天地之於萬物無
有不及其分者恭惟皇上復位以來夙夜孜孜躬理政
務惟恐一民不得其所出一令也必順於人心行一事
也必合于天理真無異于古先聖王之用心矣今以一
津之濟聞之惻然是即不忍人之心也為建石橋以便
往來是即不忍人之政也名之曰宏仁蓋宏者廓而大
之也仁則不忍人之政也是橋之建信乎能宏其仁矣
然歷年之患由此而弭無窮之利由此而基又非經世
之遠圖與嗚呼一橋之利尚不遺焉況其大此萬萬者
乎由是以知皇上擴充仁道被於四海而利澤及人之

廣信如天地之于萬物矣故宜大書而特書也既為之
記復系以詩曰大哉元后作民父母民之休戚同其安
否所以先王發政施仁憂勤惕厲固或因循仰惟我皇
博施濟衆視民如傷惟樂與共大綱小紀乃舉乃張有
或遺者于心則惶都城築方有水病浹惻然興懷務遂
所愜不惜內帑為建石橋工役之費民無秋毫易危而
安利澤惟久億萬斯年

殿跡不朽

古穰集

原覺華寺在縣西十八里明真定公主請敕賜額

泐縣志

臣等謹按覺華寺今尚存

原遡縣西有延芳淀大數頃中饒荷芰水鳥羣集其中
潦時每季春必來此弋獵打鼓驚天鵝飛起縱海東青

擒之得一頭鵝左右皆呼萬歲海東青大僅如鵝既縱
直上青冥幾不可見俟天鵝至半空歛自上而下以爪
攫其首天鵝驚鳴相持殞地

燕山叢錄

臣等謹按延芳淀久湮廢

原遼每季春弋獵於延芳淀淀方數百里春時鵝鷺所
集夏秋多菱芡國主春獵衛士皆衣墨綠各持逆鉞鷹
食刺鵝雉列水次相去五七步上風擊鼓驚鵝稍離水
面國主親放海東青鵝擒之鵝墜恐鵝力不勝在列者

以佩錐刺鵝急取其腦飼鵝得頭鵝者例賞銀絹國主
皇族羣臣各有分地

遼史

原統和七年春駐驛延芳淀十二年正月幸延芳淀十
三年正月幸延芳淀十四年正月幸延芳淀十五年正
月幸延芳淀十八年二月幸延芳淀二十年正月如延

芳淀

同上

原又統和十二年正月幸延芳淀十三年九月奉安景
宗及皇太后石像于延芳淀不言南京按統和四年十

月命皇族盛帳駐東京延芳淀是東京亦有延芳淀也

北平古
今記

原神潛宮在縣西南二十里前代妃嬪從獵行宮也

名勝

志

臣等謹按今縣西南二十里俗呼神仙村或即是

宮故址相傳字音之訛也

原涼鷹臺在縣西南二十五里高數丈周一頃元時游

獵多駐于此

方輿
紀要

臣等謹按今鄆縣西南十五里有瞭鷹臺

原至大元年七月築呼鷹臺于鄆州澤中發軍千五百

人助其役

元史

臣等謹按呼鷹臺無可考今鄆縣西四里有放鷹臺故址高一丈周二丈或即呼鷹臺之舊蹟歟

原呼鷹臺元至大間所築也元人以鷹坊為仁虞苑秩

正二品使首相領之可笑如此

穀城山
唐書

原打捕鷹坊萬戶府歲用喂養肉三十餘萬斤

草木子

原舊臺在縣西南得仁務西遺址尚存

長安客話

原得仁務在瞭鷹臺東

名勝志

原潮縣得仁務有三大塚相望其西北有岡隆起岡首有洞其中窅然深黑常有以燭入者行里許有流爰貯油一燈熒熒然人間什物俱備試擲以礫即有矢外射其人懼而出蓋遼金諸貴人塚也

燕山叢錄

臣等謹按三塚遺蹟無考

原畫眉塚在縣南五里相傳漢張京兆葬焉

家廟記

臣等謹按畫眉塚無考

原隆禧觀原隰平行洄流芳淀映帶左右建元以來羽

獵歲嘗駐驛民庶觀羽旄之光臨樂游豫之有賴

秋澗集

臣等謹按隆禧觀遺址無考

補鄆州距今新都東南百里而近本漢泉州地遼為鎮

而金縣焉至元十有三年陞縣為州從吏民之請也

秋澗

集
原在良鄉固安等

縣卷內今移改

臣等謹按此條與上原書隆禧觀一條皆王惲秋

澗集中隆禧觀銘之序也朱昆田載此條以下隆
禧觀銘一條於二十五卷補遺中彼卷分載良鄉
固安永清東安香河五縣不應闡入灤事乃因王
惲固安道中詩牽連錯簡耳今移載於此

補王惲大都路灤州隆禧觀銘 道家者流元默稱抱
持其雌無所矜屋居火食相奉承爲飛戾天魚在泓疇
不若爾休其生爰因象設心自兢仍用善俗滋良萌灤
州維南泉故城玉晨有菴無所營敝廬數間僅懷帛一
旦締結三十楹烟光歟歟萬瓦青正自肯構今有成要
擴師授昭子誠爲國迎祥禱上清鑒與歲幸實省耕延
芳春水紛霓旌游稼何啻歌三登千秋萬歲樂事并道
人再拜乞此銘隆禧因之播永馨雲間歎賞聞懷聲安

知不有成公
與秋澗集

原獨秀園亭在縣北二里遼司徒郭世珍建今廢

遼縣志

臣等謹按獨秀園亭今無考

原崔氏園亭在遼縣南小安村邑人崔禮仕金為四鄉學諭金亡隱居於此作園亭盛植花卉以自娛元名人

時往游觀焉

寰宇通志

臣等謹按崔氏園亭無考

原兩家店在縣東十二里官道所經也

方輿紀要

臣等謹按兩家店在州城南四十一里

原景命殿在永樂店其西為保國慈孝華嚴寺護國崇寧至德真君廟俱萬歷三十六年勅建為孝定皇太后祝釐地也

志 鄒 縣

臣等謹按永樂店在縣城南景命殿久圯寺廟僅存

原明慈聖太后生于潯縣之永樂店事佛甚謹宮中稱為九蓮菩薩每歲十一月十九日為其誕辰百官率于午門前稱賀長安百姓婦孺俱于佛寺進香祝釐享天子奉養四十三年古今太后稱全福者所未有也 菊

隱紀聞

卷一百一

原明神宗御製潯縣景命殿碑文 朕惟帝王之興率
本母德華渚洽陽鍾靈肇慶載之詩書炳乎盛矣朕以
藐躬御極三十五年仰憑慈訓方內人安深維聖母皇
太后功德宏茂千古稀聞順天府通州潯縣永樂店乃
誕育之地淑氣所鍾宜有表章以示來許用是躬承慈
命量度經營中淑慈聖景命殿前門後閣繚以周垣樹
三坊于門外左為保國慈孝華嚴寺右為護國崇寧至
德真君廟與闔宏壯足以昭地靈章濬發稱聖母所為
萬念源本之意告成之日慈顏悅豫朕志用寧爰敕中
官守護仍各為文勒石垂諸永久以朕涼德寧敢方古
帝王庶幾此地之無愧于華渚洽陽則有聖母之烈在
其垂裕將千萬年則景命亦千萬年朕與內外共祇承
之為紀其事並系之詩詩曰翼翼京邑潯水縈之旋源
遠濬載奠坤維尊靈長樂歡洽重闈繚縣景命百祿咸
宜賸茲湯沐啟瑞集禧周原膺膺寶殿攸基重門遠聞

宗猷遠迤仁祠左拱靈宇右麗堯連棟接鳥草翬飛虹
祥式闡慈念載怡爰及薄海耀景咸熙聖母之德綏此
蒸黎百千萬祺永永無隳時萬歷三
十六年戊申十月 明神宗實錄

欽定日下舊聞考卷一百十

欽定日下舊聞考卷一百十舉正

擔負原書擔訛作檐 糜費原書糜訛作縻今俱改

御馬監
太監條

右安門外原書右訛作左今改泗河在鄆
縣東條

毛貴原書毛訛作田今據元史改婁林在縣
西北條

石橋五丈原書訛作五尺今據帝京景物畧改出左
安門
東南
條

欽定日下舊聞考卷一百一十舉正